

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Allaffeqarfimmiit paasissutissiineq
- Imm. 03** Sisimiuni nutarsaanermut aningaasaliissutaasunit agguaassineq
- Imm. 04** Sisimiuni umiarsualivimmit qummukajaap eqqaani inissaq atorneqanngitsoq aqqusinernillu pilersaarusiorneq
- Imm. 05** Oqaluuserisassatut siunnersuut - Umiatsiaararsortut aningaaserivimmiit mattunneqarnerat
- Imm. 06** Neqerooruteqartarnermut inatsimmut allannguutissatut siunnersuut pillugu tusarniaanermut akissuteqaammik
- Imm. 07** Meeqqerivik 4-mut suliariumannittussarsiuussinerup inernera – Nuutsineq – siulittaasup tulliata aalajangiinera aammalu Aningaasaqarnermut ataatsimiititaliamit aalajangiineq pillugu paasissutissiissut
- Imm. 08** 2020-imi qilalukkanik qaqortanillu pisassiissutit kommunimi agguaannissaat
- Imm. 09** Amerikamiut sakkutooqarfigisimasaanni Bluie West 9-mi salineq pillugu paasissutisiinneq
- Imm. 10** Tamalaat

Ataatsimiinneq allartippoq nal. 09:06

**Peqataasut:**

***Siumut***

Frederik Olsen  
Jakob Olsen  
Gedion Lyberth

***Atassut***

Siverth K. Heilmann

***Inuit Ataqaigiit***

Axel Lund Olsen

***Nalunaaruteqarlutik peqataanngitsut:***

Henrik Fleischer

***Nalunaaruteqaratik peqataanngitsut:***

**Imm. 01 Oqaluuserisassat akuersissutigineri**

Akuerineqarpoq

**Imm. 02 Allaffeqarfimmiit paasissutissiineq**

Maniitsumi aamma Sisimiuni Teknikkeqarfinni aningaasaqarnermut aaqqiissummut nutaamut ERP-mut ikaarsaarnermi ingerlatsivinni suliassanut pingaarnernut piffissangaatsiamik tiguisivoq. Akiligassiissutinik akiliiniarnermut assorujussuaq sunniuteqarpoq, sulilu aamma ingerlatsinermit missingersuutit takuneqarsinnaanatik. Pissutaasut assigalugit teknikkeqarnermut ataatsimiititaliamut ukiumut qaammammullu nalunaarutit suliarineqarsinnaanngillat. Tamanna kommunimit sulissutigineqarpoq.

Hans Ulrik Skifte-mit paasissutissiissut:

Pilersaarusionermit pisortatut atorfik aqqissuusaanikkut Sisimiuni teknikkeqarfimmut nuuppoq. Pilersaarusionermit pisortaq suliffissanik nutaanik ujartuisimavoq, pilersaarusionermullu pisortamik illoqarfimmilu pilersarusiortartumut atorfiit inuttassarsiuunneqarput

Ulrik Lyberth-imiit ilisimatitsissutit Maniitsoq:

TAI-mi pilersaarusiortoq soraarpoq, februarillu qeqqani nuuttussanngorluni.

Sanaartornermi ingeniøritut inuttassarsiugaq suli inuttalerneqanngilaq.

Ilaqutariinnik kiffartuussivimmik sanaartornissamut suliariumannittussarsiuussisoqarnikuuvoq.

Suliariumannittussarsiuinerup inenera missingersuutaasunit akisuneruvoq.

“Atuarfitoqqap” piiarneqarnissaa siunertaralugu pisiariumaneqarpoq.

Ineqarnermut allaffeqarfitoq tuniniagassanngorpoq.

Ungusivimmi sanaartorfissagissaaneq ataasinngorpat februaarip qulinganni aallartissaaq.

### **Imm.03 Sisimiuni nutarsaanermut aningaasaliissutaasunit agguassineq**

*Journal nr. 34.00*

#### Tunuliaqutaq

Qeqqata Kommuniani illunik inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piunnarnissaat qulakkeerneqarsinnaalluni. Nutarsaanissamut aningaasaliissutit 2020-mut missingersuutitnut suliaqareernerup kingorna aammalu ukiunut missiliuuteqarfiusunut 2021-miit 2022-mut assigiimmik aningaasartalerlugit ingerlateqqinneqarput.

Siunertamut aningaasat immikkoortinneqartut agguataarneqarnikuupput, taamani illuutigisat malillugit suliamik saqqummiussinermi 8.8 mio. koruunit Sisimiuni TAI-mit aqutassanngortinneqarmata. OTM Sisimiut OTM Maniitsorlu tamarmik immikkut teknikkimut avatangiisinullu ataatsimiititaliamut renoveringspuljep ukiunut sisamanut agguataarnera, ukiukkaartumillu pilersaarutit allannguutai takutittassavaat. Pisarnerlu naapertorlugu ataatsimiititaliap ataatsimiittarnerini sanaartukkat allat atuiffik 7-imiittut assigalugit sumut killinneri nalunaarutigineqartassallutik.

Aningaasaliissutit ilai sanaartukkat pigisatta piujuarnissaat siunertaralugu aserfallatsaaliinermut atussavagut, soorlu illup iikkersuutaanik qalipannernut, pisariaqalernerani nutaanik ussinnerusunik igalaalersuinerlut, soorlu silaannarissarfilersuinerlut, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinnginnerulernissaq aamma siunertaralugu.

#### Maleruagassatigut tunngavigisat

Teknikimut Avatangiisunullu ataatsimiititaliap atuiffik 7-imut akisussaasuvoq (Sanaartornermut atuiffik).

Qeqqata Kommuniata illuutini nammeneq akisussaaffigai.

#### Pissutsit atuuttut

Ukiorpasuarani aserfallatsaaliinermut aningaasaliissutit killeqarpallaarsimapput, taamaasilluni piujuartitsinissaq siunertaralugu aserfallatsaaliinissaq ajornartarsimalluni, annermillu ileqquusimalluni aatsaat illut aserfallalluinnaraangata iliuseqartoqartarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami pigiinnarsinnaaniassagatsigit. Tamanna siunertaavoq. Kisiannili illuutit ilai ima aserfallassimatigipput, allaat ingutseriarlugit nutaanik sananissaq pisariaqarsinnaalluni, pioreersup suliarinissaa akilersinnaassanngippat.

Ukiumut 2019-imut aserfallatsaaliinissamut aningaasat immikkoortitat maanna tamangajammik aallartinneqareerput, suliat ilaat sulii ingerlapput, ilaallu naammassineqareerlutik, aamma ilanngussaq 1-imi takuneqarsinnaallutik.

Suliassat marlussuit patsisissaqavillutik 2020-mi aasamut kinguartinneqarput, ass. B-1495 Nuniaffik-mit, B-1348 Naasoq-mit kiisalu B-1142 Naalu-mit avataanit kiassarnermut attavilersinnerit.

Ukiumi naatsorsuuseriffiusumi matumani 2019-imi nutarsaanermut killiffik tassaavoq, suliassat amerlanerpaat naammassineqareersut, suliassallu ilaat ingerlallutik.

2020-mut ilaatigut pilersaarutaavoq, B-1037 Utoqqaat angerlarsimaffianni igalaat taarsersorneqarneri, matumani illup iluani silaannarmik pitsaanerulersitsinermik kinguneqassalluni, kiisalu Utoqqaat angerlarsimaffiani atuisunut sulisunullu aningaasaqarneq.  
Takuuk ilanngussaq 2.

Atuilluartuunissakkut kingunerisinnaasai

Pilersaarusiukkamik aserfallatsaaliinerup kingunerissavaa atortuutitta illuutittalu siunissami piujuarnissaat, imaluunniit sivisunerusumik atorneqarsinnaanissaat, Illut il.il. pioreersut pigisagut paariinnarsinnaassagutsigit, illunik nutaanik pisariaqanngitsumik inuiaqatigiinnut akisusinnaasumik sanaartortariaqanngilagut.

Illuutini aserfallatsaaliinissamut pisariaqartitsitsinermik nalilersuinerit atuisunik suleqateqarluni ingerlanneqassaaq, taamaalilluni illut pisariaqartitsinerpaat salliutinneqassallutik.

Aningaasaqarnikkut allaffissornikkullu kingunerisinaasai

2019-imi nutarsaanissamut aningaasaliissutit killiffiannut nalunaarusiaq, TAAA-mut atuiffimmut 7-mut (Sanaartornermut atuiffik) qaammatit pingasukkaarlugit aningaasaqarnikkut nalunaarusiami ilaatinneqartarpoq. Ilangussap 1-ip takutippaa, ukioq 2019-imut nutarsaanermi aningaasaliissutaasut killiffiup sukumiinerusumik allaaserineqarnera.

Nutarsaanissamut aningaasaliissutit pillugit siusinnerusukku aalajangiineq takuuk, ilanngussaq 2-mut nassuiaatigineqartoq, suliassat naapertorlugit ukiumut 8.8 mio. koruunini 2020-mit 2022-p tungaanut nutarsaanissamut aningaasaliissutit pillugit aningaasanik immikkoortinneqartunit agguataarinermut Sisimiuni TAI siunnersuusiussaaq. Ilutigitillugu suliniutini ataasiakkaani isumaqatigiissutigineqartut malillugit sapinngisannguamik aningaasaliissutaasunit tamakkiisunik atuinarluni, ukiup naatsorsuuseriffiusup ingerlanerani agguataarinernik allannguisinnaanermik TAI pisinnaatinneqassaaq.

Illuutitut sanaartukkanullu ataasiakkaanut arlalissuarnut tunngammata piaartumik aallartittariaqarput ukioq 2020 naappat suliarineqareersimassappata. Taamaangippat nutarsaanissamik suliassat ilaannaat suliarineqarnissaat naatsorsuutigineqassaaq.

Allaffeqarfiup naliliinera

2019-imut aammalu ukiunut arlalinnut missingersuutineereersut, suliniutit ingerlaqqinnissaat pingaarutilerujussuavoq. Taassuma qulakkiissavaa, suliniutit akuersissutaareersut soorunami ingerlaqqinnissaat, aammalu allannguutaasinnaasut suliniutini aallartereersuni, tamakkiisumik suliarineqanngitsuni, nukissanik atuilussinnarnermik kinguneqannginnissaat.

Suliassat 2019-imi naammassineqanngitsut 2020-mi naammassineqassapput, aammalu 2019-imut aningaasaliissutaasunit akilerneqarlutik. Suliniutit 2020-mi aningaasaliissutaasunit

aningaasalersorneqartut, 2020-mi aallartittussanngorlugit suliarineqartussanngorlugillu piaartumik pilersaarusiordfigineqassapput.

Illut nutarsarneqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaq, tamatumani pilersaarusiordermi atuisut pisariaqartitaat tunngavilersuutaallu ilanngunneqartassallutik. Taamaalilluni teknikkikkut misissueqqissaarnissamut TAI piffissaqalissaaq.

Siunertaasoq tassaavoq, ukiunut tulluuttunut aningaasaliissutaasut piffissami sivilunerusumi atortulersuutinik illunillu paarinniinnarnissamut atorneqarnissaat.

### **Innersuussut**

Teknikkimut Avatangiisinullu Immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut kingusinnerusukkullu Aningaasaqarnermut Ataatsimiititaliamut innersuussutigaa:

1. Ilanngussaq 2 naapertorlugu 2020-miit Sisimiuni TAI ataani Nutarsaanissamut aningaasaliissutinut ukiumoortumik aningaasaliissutaasunit 8,8 mio. koruuniusunit agguataarinissaa akuersissutigineqassasoq.
2. Suliariumannittussarsiuussereernerup kingorna neqeroorutaasut missingersuutinik naapertuutinnippata, missingersuutit tamakkiisut sinaakkutaasut iluanni TAI naligiissaarisinnaaneramik pingaarnersuiisnaaneranillu suli pisinnaatinneqassasoq. Missingersuutaasunit nalimmassaanerit pingaarnersuinerillu Sisimiuni TAI-mit nutarsaanissamut aningaasaliissutaasut iluanni ingerlanneqartassasoq.
3. Takuuk ilanngussaq 1, 2019-imut nutarsaanissamut aningaasaliissutinut missingersuutaasunit suliniutit killiffiat paasissutissiissutitut tiguneqassasoq.

### **Aalajanginneq**

Inassutigineqartoq akuerineqarpoq.

### **Ilanngussat**

1. Nutarsaanissamut aningaasaliissutit, 2019-imi malitseqartitsineq.
2. 2020-mit 2022-mut nutarsaanissamut aningaasaliissutinit agguataarinissamut innersuussut.

**Imm. 04    Sisimiuni umiarsualivimmit qummukajaap eqqaani inissaq atorneqanngitsoq  
aqqusinernillu pilersaarusionerq**

*Journalnr. 23.01.*

Tunuliaqutaq

Ataatsimiititaliami siulittaasoq Frederik Olsen-ip tulliuuttumut nassuiaasoqarnissaanik mail-eruteqarluni kissaateqarpoq:

”Umiarsualivimmit qummukajaap Aqqusinersuullu aallartinnerani sukisaarsaarfissatut nunaminertamik naleqqusaanissamik pilersitsinissamillu qanoq pilersaaruteqartoqarpa?

Isumaqarpunga maanna "nunami putu" maannakkut pissutsinut annertuumik ersarippallaartoq, tamannalu innuttaasunut tikeraanullu illoqarfiup ineriartornissamut siunertaanut naleqqutinngilaq.

Aalisakkeriviup nutaap aallartippat, aalisariutinit aalisakkanik usingiaasoqalersillugu, umiarsualiviup nalinginnaasumik tikikkuminarneratigut, umiarsualivimmi pissutsinut killileeqaataassajunnarsivoq.

Taamaattumik pilersaarutaasimasinnaasunik nassuiaasoqarnissaa, aammalu nassuiaat taknikkeqarnermut ataatsimiititaliamut nassiuuneqarnissaa kissaatigaara.”

Immikkoortumut kommunip pilersaarusionerfigineqarneranut tapiliusaaq atuuttoq, Aqqusinersuarmut pingaarnertut anguniagassartaqarpoq, ilaatigut pineqartumut attuumassuteqartumik. Tamatuma saniatigut siusinnerusukkut aqquserngit pillugit ukkatarinninnermik suliaqartoqarnikuuvoq, matumani qamutit motorillit oqimaatsut aqqusinerneq atuisarnerat ilanngullugu, kiisalu Sisimiuni Maniitsumilu angallannermik misissuisoqarnikuulluni.

Maleruagassatigut tunngavigisaaq

-Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq naapertorlugu, Qeqqata Kommunia pisortat aqqusiniutaannik pilersitsinermut ingerlatsinermullu akisussaasuvoq.

-Nalunaarut Nr. 140, 27. marts 1979-imeersoq Kalaallit Nunaanni qamutit motorillit angissusii, aksestrykkii aamma tamakkiisumik oqimaassusii.

Pissutsit atuuttut

Aqqusinerneq atuineq angallannermillu misissuinerneq atillugu siusinnerusukkut oqaluuserisassanut siuliani taaneqartunut atillugu, pingaarnertut annertunerusumik aaqqiissuteqaataasussamit, saaffiginnissut ersarinnerusumik paasissutissartaqarpoq. Immikkoortoq umiarsualiviup eqqaani illut nutaanngitsut qanittuani inissisimavoq. Immikkoortup pitsaanngitsumik immerneqarsimanera pingaarnertut isiginiarneqarpoq, taannami avatangiisinut, innuttaasunut tikeraanullu pitsaanngitsumik takussutissiivoq.

Sanaluttartut sannaviata eqqaani inissaq atorneqanngitsoq, katersugaasivimmut, katersugaasiviullu eqqaani eriagisassanut kommunip pilersaarusiordfigineqarneranut tapiliussaq nr. 2-mut ilaavoq. Kommunip pilersaarusiordfigineqarneranut tapiliussami nr. 10-mi pingaarnertut siunnersuutaavoq, taamaalilluni Aqqusinersuaq pisuinnaat aqqusinilerlugu, aqquserngup illuttut sinaani pisuinnarnut aqqustissalerlugu aamma biilnik inissiivilerlugu allilerneqarsinnaalluni, aammalu siunissami aqqusinermit imermik kuutsitsinissamut qullersualersuinissamullu, taamaalilluni aqqusinikkut angallanneq orniginarsisillugu ersarissaasoqarnissaa pisariaqarpoq. Sanaartortoqalersinnagu, inaarutaasumik pilersaarusiornissamut tunngaviusussamik, ilusissamut titartaatsisilluni suliniuteqarnikkut isummertoqarnissaa pisariaqarpoq. Saaffiginnissummi inissaq atorneqanngitsoq pineqartoq aqqusinersuup isuani inissisimavoq, taamaalillunilu Kommunip pilersaarusiordfigineqarneranut tapiliussami pilersaarutit sinnerinut atatillugu attaveqannginnerusutut inissisimalluni. Taamaattorli maannakkut siunissamiusinnaasorlu imermik kuutsitsisarnermut naapertuuttunngorsaansamut periarfissanut qulakkeerinissaq pisariaqarpoq, immikkoortumi putup pineqartup immerneqarneratiguusinnaalluni.

Kingullertigut aqqusineranut atatillugu, TAI teknikkeqarnermut ataatsimiititaliamut, qamutit motorillit aqqusinermit atuisarnerat pillugu allaffeqarfimmit Politiinut tusarniaanermut akissuteqaataanik paasissutissiivoq, ilaatigut Teknikkeqarnermut, Aatsitassaqarnermut Avatangiisinullu 02/19-imi, kingornalu Aningaasaqarnermut ataatsimiititaliap 02/19-imi ataatsimiinnerini, Ataatsimiititaliap siulittaasuata Frederik Olsen-ip aqquserngit angallannerlu pillugit saaffiginnissutaanut ilaatigut pilersaarusiornissamut siunnersortimut 1 mio. koruuninik missingersuuteqarnissamik akuersisuteqartoqarsimaneq paasissutissiisutigineqarnikuulluni. Teknikkeqarnermut Avatangiisinullu Immikkoortortap paasissutissiineranut ilaatigut ataatsimiititaliamit siunnersortinik suliariumannittussarsiuussinermit, aqqusineranut angallannermullu pilersaarusiortoqarnerani, oqimaatsunik assartuisarnerit naliliivigineqarnerat siunnersuisunit ilanngunneqarnissaa qulakkeerneqassasoq kissaatigineqarpoq. Sisimiuni oqimaatsunik assartuinissamut pisariaqartitat annertusiartortillugit, illoqarfiup ineriartorneranut sanaartornernullu atatillugu Kommunip siunnersortinik politiinillu suleqateqarnikkut aqqusernit tamarluinnaasa nalilersorniarpai, paasiniarlugu aqquserngup atorneqarnerminut attassisinnaassusaanut, aputaajaanermut tunngatillugu immikkut ittumik iliuuseqarnermut, quatsernaveersaartitsinermit kiisalu angallannikkut isumannaallisaanermik allaanerumut imaluunniit angallannermik ingerlatsininermit naapertuuttunik suliniutinik pisariaqartitsisoqarnersoq.

Nunami putu ima suliaasimavoq, nunap iluatigut kuuffik takisooq pinngitsoortinneqarluni. Taamaaliornermi aputit sermillu aakkiartornerinut sunniuteqarluarnerusinnaalluni aammalu aputit aattulernerini immikkoortumik pitsaanerumumik qarsutsinissaraluamut katersanik piiiaanissamut pisariillisaanermik qulakkeerisuussalluni.

#### Atuilluartuunissakkut kingunerisinnaasai

"Nunami putu"-p pineqartup sukisaarsarfittut siunertanut nunniorneqarneratigut, tamanna pitsaasumik takujuminartitsilernermit atuinissamut periarfissiissaaq, taamatullu immikkoortumi eqqaanilu illut eriagisassat umiarsualiviullu avatangiisiini ullumikkutut annertutigisumik angallannermut ajoqusersorneqarani, angallassinnaanermik periarfissiissaaq. Kommunip pilersaarusiordfigineqarneranut tapiliussaq naapertorlugu Aqqusinersuaq sinerlugu pisuinnarnut aqqustissanik pilersitsinikkut, pisuinnaat angallannerinik, matumani aasaanerani Sisimiunut umiarsuit takornariartaatinut ilaallutik takornarianut arlaqartunut sillimaniarnej pitsaanerulersinneqassaaq.



### Aningaasaqarnikkut allaffissornikkullu kingunerisinaasai

Aqqusinernut pilersarusiornissamut 2020-mut missingersuutitut 1 mio. koruunit immikkoortineqarnikuupput, ilaatigut immikkoortup takujuminarsarneqarnissaanut ilusilersuinissamut aningaasaliissutit ilaat atorpeqassallutik. Saaffiginnissummi "nunami putu" pineqartumi kuuffimmit sullulik paqqersaammik imaqarmat, immerneqannginnerani Aqqusinersuarmut pingaarnertut ilusilersuisoqarnissaa naapertuunnerpaassaaq. Ilusilersuineq "angallannerup misissorneqarnera"-nik suliniummumut ilanngunneqartariaqarpoq.

Tamatuma saniatigut nunami putup pineqartup immerneqarnissaanut missingersuusiortoqarnissaa pisariaqarpoq, ilanngussaq 2 naapertorlugu 1 mio. koruunit angullugit sanaartornermut aningaasartuuteqarnissaq missiliunneqarluni. Immiinissaq, issiavinnik takisuunik nerrivinnillu pisinissaq kisiisa naammagineqarpata, taava 1 mio. koruunit pineqartut siunertamut naammassapput. Ullumikkut siunertamut missingersuuteqanngilaq, kissaatigisarlu nalinginnaasumik missingersuusiortornermut kissaatitut saqqummiunneqassalluni. 2021-mut missingersuusiortornerup upernaami aallartisarneqassaaq.

### Allaffeqarfiup naliliinera

Allaffeqarfik naliliivoq, umiarsualiviup eqqaani Aqqusinersuullu isuani itersap pineqartup matuneqarneratigut immikkoortumi sukisaarsaarfimmik pilersitsinissamut kissaat, Kommunip pilersarusiorfigineqarneranut tapiliussami nalinginnaasumik anguniagaasunut naapertuuttusoq. Kissaatigisap piviusunngortinneqarnissaa kissaatigineqarpat, tamanna siunertamut aningaasaliissuteqarluni missingersuuteqarnissaq pisariaqarpoq. Aningaasaliissuteqarnissami sulluliinissamut periarfissat eqqarsaatigineqarsimanissaat qulakkeerneqarsimasariaqassapput, taakkumi missiliutitut akimut sunniuteqarsinnaammata.

Saaffiginnissutit imarisaanut atatillugu, siunertamut suliniuteqarnissamut amigaataasunut maannakkut siunissamilu kingunerisinnaasaanut allaffeqarfik naliliivoq, Esani A/S-ip ikuallaavissaanut Kalaallit Nunaata sinneranit eqqagassanik nassiusisarnissaq, umiarsualivimmit qummukajaap eqqaani immikkoortumik annertunerusumik artorsaatissiisoqarnissaa ilimagineqartoq, matumani Aqqusinersuup Umiarsualivimmullu akornanni angallaffiunerusut ilanngullugit. Artukkiinissap annertussusaa annertunerusumik aqqusinerni atortulersuinissamik pisariaqartitsilersitsinissaanik naatsorsuutigineqarpoq. Immikkoortumi angallannikkut artukkiinerit ullumikkutut innissaat imaluunniit eqqagassanik assartuinermit artukkiinerit atatillugu annikinnerpaamik allanngornissaat naatsorsuutigineqarpoq.

### **Innersuussut**

Allaffeqarfiup innersuussutigissavaa:

-”Angallannerup misissorneqarnera”-nut suliniummumut, illoqarfimmi angallannikkut aqqusinernilu teknikkikkut pingaarnertut aaqqiissusiisussamut sukisaarsaarfittut immikkoortutut ilusiliineq ilanngunneqassasoq.

2021-imut missingersuutitut missingersuutitigut kissaatissanut pingaarnersuinissamut, umiarsualivimmit qummukajaap eqqaani sukisaarsaarfittut immikkoortumik sanaartornissamut 1 mio. koruuninik missingersuutitigut teknikkeqarnermut ataatsimiititaliaq kissaammik ilanngussissasoq.

## **Aalajanginneq**

Inassutigineqartoq akuersissutigineqarpoq.

## **Ilanngussat**

1. Kommuni pilersaarusiorfigineqarneranut tapiliussaq nr. 10
2. Aqqusinersuup umiarsualiviullu eqqaani ”nunami putu”-mik immiinissamut missiliuut

**Imm. 05 Oqaluuserisassatut siunnersuut - Umiatsiaararsortut aningaaserivimmiit  
mattunneqarnerat**

*J.nr. 66.16*

Tunuliaqutaq

Kommunalbestyrelsimi ilaasortap Emilie Olsen-ip allakkatigut

24. oktober 2019-meersukkut kommunalbestyrelsimut oqaluuserisassanngortippaa umiatsiaararsortut piniartut aningaaserivimmiit taarsigassarsinissamut mattunneqarnerannut tunngasoq. Politikerit qanoq iliuseqarsinnaanersut Qeqqata Kommunian eqqarsaatigalugu.

Pissutit atuuttut:

GrønlandsBanken 21. oktober 2019 nalunaaruteqarpoq Aningaaseriviup umiatsiaararsorlutik piujuaannartitsinermik tunngaveqanngitsumik aalisartunut aningaasaliinini unitsikkaa. Umiatsiaararsortut amerlavallaarmata pisassiissutillu annertuvallaarujussuarmata tamannalu pijuartitsinissamut aningaasaqarnermullu innarliisinnaammat.

Tamatuma kinguneratigut Aalisarnermut, Piniarnermut Nunalerinermullu Naalakkersuisoq Jens Emanuelen nalunaaruteqarpoq naalakkersuisut suliniutigigaat aalisartut umiatsiaararsortut ikilineqarnissaat pijuartitsinissarluni siunertaralugu iliuseqassallutik.

GrønlandBanken 24. oktober 2019 nalunaaruteqarpoq piujuaannartussamik ingerlatsinissamut naalakkersuisuniit neriorsuut tunngavigalugu aningaaserivik inuutissarsiorlutik aalisartunut naliginnaasumik nalileereernermi aningaasaliisinaanissartik ammaateqqillugu (ud fra en almindelig kreditmæssig vurdering).

Aalisartunngorniartunut aningaasaliineq suli matoqqassaaq.

**Qeqqata Kommuniani umiatsiaararsortut amerlassusaat**

Maniitsoq	59
Kangaamiut	37
Napasoq	21
Atammik	31
Sisimiut	78
Sarfannuguit	14

Itilleq	9
<b>Katillugit</b>	<b>249</b>

### **Namminersorlutik Oqartussaniit aningaasaliisarneq**

#### Aallarteqqinnissamut tapersiisarneq

Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21.maj 2004-meersoq tunngavigalugu Namminersorlutik Oqartussat, ESU, umiatsiaararsortunut tapiisarpoq.

Umiatsiaararsortut motooriiarsimagunik qinnuteqarpata annerpaamik 25.000 kr.-nik tapiiffigitissinnaapput. Motoorip taarsernissaanut imaluunnit iluarsartinissaannut atugassanik. Tassani motoorip nutaap akiata ESU-miillu aallarteqqinnissamut tapiissutit 25.000 kr.-nit assigiinngissutaat umiatsiaararsortut aningaaserivimmiit taarsigassarsiarigajuttarpat.

Aallarteqqinnissamut tapiissarnermut atugassanik Aningaasanut inatsisikkut aningaasaliissutit killeqarnerat pissutigalugu ukiup ingerlanerani aningaasaliissutit nungukkajuttarput. 2019-imi juni 19-iani Aalisarnermut, Piniarnermut Nunalerinermullu Naalakkersuisoqarfimmit nalunaarutigineqarpoq aallarteqqinnissamut aningaasaliissutit nunguttut taamaammallu ukiup sinneranut qinnuteqartoqarsinnaanngitsoq.

2019-imi juni-p 19-ata tungaanut Maniitsup aqutsiviani umiatsiaararsortut motooriiartut 19-it aallarteqqinnissamut tapiiffigitipput. Sisimiut aqutsiviani 5-it.

#### Inuussutissarsiutigalugu umiatsiaaqqanik pisinermi tapersiisarneq

Aalisarnermik Piniarnermillu Inuussutissarsiutillit inuussutissarsiornerannik siuarsaaneq pillugu Inatsisartut inatsisissaattut nr. 13, 3. december 2012-meersoq tunngavigalugu inuussutissarsiutigalugu umiatsiaaqqanut nutaanut motooritalinnut ESU tapiisarpoq.

Akuerisaasut nammineq akilertarpat pisinermi aningaasartuutit nalingata 25 pct.-ia. Sinnera 75 pct. ESU-mit tapiissutaasarpoq.

Aningaasanut inatsimmi aningaasalerneqartarpoq.

Qeqqata Kommuniani 2019-imi akuerisaasut umiatsiaararsortut marluupput. Maniitsup aqutsiviani marluk ESU-kkut umiatsiaarartaarmata. Qinnuteqartut amerlasarput aningaasaliissutilli killeqarmata amerlanngitsut akuerisaasarput.

#### **Suliffeqarfiit aalisakkanik tunisassiorfiit iliuseqartarnerat**

Maniitsup Fish ApS allakkatigut 14.11.2019-meersut imatut nassuiaavoq:

”Maanna aallartisalerpoq suliffeqarfipput umiatsiaararsorlutik aalisartunut motorinut ikiuussinnaalluni ukioq mannaluk inuit marluk misiliutaasumik motoritaartinneqarput suliffeqarfitta ikiuunneratigut. Taakku nalingi tunisinikkut akilersortinneqarlutik tunisanilu periarfissiisarpugut aalisartoq peqatigalugu qanoq ilanngaassortissanersoq minnerpaamik 15% annerpaamik 25% ilanngaassortissinnaalluni. Erseqqissassavarput taamatut ikiuunniarnermi ukiumut tunioraalluarsimanersoq qulakkeeqqaartarparput arlaatigut piniutinik atortussanik motorimillu nalituunik ikiuissagaangatta. Tunioraalerlaallu tunuarsimaarfigigallartarparput takoqqaarumallugu tunisinikkut ukioq qanoq atussaneraa”.

#### Royal Greenland A/S

Royal Greenland A/S-miit allakkatigut 14.11.2019-meersut imatut nassuiaateqarput:

QEQQATA KOMMUNIA

[www.qeqqata.gl](http://www.qeqqata.gl)

Telefon 70 21 00

Telefax 70 21 77

[qeqqata@qeqqata.gl](mailto:qeqqata@qeqqata.gl)

“Siullermik Royal Greenland pisussaaffeqanngilaq, aningaasanik atukkiinissamut. Taamaattorli periarfissaq ammatinneqartarpoq aalisartut allamik periarfissaqanngitsut eqqarsaatigalugit. Siullermik piumasarisarparput aningaaserivik saaffiginninnermi atukkerneqarnissamik itigartisisimappat, itigartisinnermut peqqutaa allaganngorlugu, tamatumalu kingorna, pisortanut (Namminersorlutik Oqartussat kiisalu Kommune) akiitsoqannginnermik uppernarsaammik pissarsiumasarpugut.

Tamatuma kingorna misissuinerit aallartittarpagut, qinnuteqartoq ukiup ilivitsup iluani qanoq annertutigisumik sunillu tunisaqarsimanersoq, minnerunngitsumillu qaammatit kingulliit pingasut (3) qanoq annertutigisumik tunisaqarsimanersortaaq misissortarlugu.

Qinnuteqaateqartup qinnuteqaataa, ataatsimiititaliamut qaammammut ataasiarluni ataatsimiittartumut saqqummiuttarparput, tassanilu aalisartumut/qinnuteqartumut paasissutissat pissarsiavut, suna tungavigalugu qinnuteqaataanersoq, qanoq annertutiginersut, qanoq annertutigisumik uatsinnut akiitsoqarnersoq (siusinnerusukkut atortinneqareersuunersoq, sulilu akilersuilluni, imaluunniit atortinneqareersuusimaguni, akilersuina qanoq issimanersoq) uatsinnut pisortanulluunniit akiitsoqarnersoq, akiitsoqarsimappat qanoq annertutiginersut, akilersuinissamik isumaqatigiissusiorsimanersoq (tamanna piumasarisaratsigu) tamaasa saqqummiullugit.

Qinnuteqaatip ataatsimiititaliamut saqqummiunneqannginnerani, qinnuteqaateqartoq piumaffigisarparput, “oqaluttuaqqullugu” ukiup affaata tulliuuttup ingerlanerani qanoq annertutigisumik aalisarumaarnissaminik takorluugaqarnersoq, aalisakkanillu sunik.

Ilumoorpoq Aningaaserivik (GrønlandsBanken) nalunaaruteqarpoq, umiatsiaararsorlutik ingerlatsisunut atukkiisarnerminik unititsilluni. Tamannalu qularutissaanngitsumik malugeriikkatsinnik saaffiginnittoqarnerulerneranik kinguneqarpoq”.  
Taamatut Royal Greenland nassuiaateqarpoq.

### **Kommunip iliuuserisinnaasai**

Ilaqutariinnermut immikkortortamiit 13.11.2019 e-mail-ikkut imatut nassuiaasoqarpoq:

”Aalisartut piniartullu eqqarsaatigalugit piniutaannut ajutoortunut ikiorsiisoqarsinnaanngilaq.

Unali iliuuserineqarsinnaavoq:

Aalisartoq piniartorluunniit suliffissarsiortutut nalunaarsortinneqarsinnaavoq, imaanngilarlu inuussutissarsiutigalugu piniartutut aalisartutullu allagartartik uterteqqaartariaqaraat. Suliffissarsiortut nalunaarsortariaqarneranut peqqutaavoq pisortanit ikiorsiissutinik tunniussisoqarsinnaaneranut peqqussutaammat suliffissarsiortutut nalunaarsoqqanissaq, piffissallu sivikitsup iluani taamatut inissisimasoqarnissaa anguniagaajuannartarpoq.

Qaammatikkaartumik aningaasaqarnermik qiviasitsineq ingerlanneqarsinnaavoq, tassalu aningaasartuutaasut isertitallu naatsersorneqarnerisigut ikiorsiisoqarsinnaanersoq misissorneqarsinnaavoq, pineqartoq aappaqarsimappallu aappai ilanngullugit.

Mississuereernerup kingorna takuneqarsinnaanngorpat ikiorserneqarsinnaanissaminut pisinnaatitaaffeqartut, ikiorsiiffigineqarsinnaasut tassaasarput nerisassatigut aammalu aningaasartuutit aalajangersimasut, tassanilu pineqartarput A/S INI-mut, Nukissiorfimmu, meeqperivinnut eqqaaveqarnermullu tunngasut.

Pinerit tamaasa nalilersuineq ingerlanneqartuaannartarpoq”.

Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminut periarfissaat pillugit Inatsisartut inatsisissaat nr. 23, 18. december 2003-

meersoq tunngavigalugu Kommuni inuutissarsiutinik ingerlataqartunut aningaasaliisinnaavoq. Kommunip aningaasaliisinaanera inatsimmi tassaani sinaakkuserneqarpoq (killilersorneqarpoq).

#### Allaffeqarfiup naliliinera

Allaffeqarfiup nalilerpaa aningaaseriviup GrønlandsBanken-ip umiatsiaararsortunut taarsigassarsitsisarnera siusinnerusumit naleqqiullugu ajornakusoornerulersimassasoq taarsigassarsiniartup akiliisinnaassusaata misissorluaqqaarneqarluni aningaaserivimmit nalilerneqartalernissaa massakkut naatsorsuutigisariaqarmat. Aningaaserivimmit aamma oqaatigineqarpoq aalisartunngorniartunut nutaanut taarsigassarsitsisarniaratik.

Allaffeqarfiup nalilerpaa ESU-miit umiatsiaarsortunut tapersiissutit ukiumi nutaami allannguuteqarnissat maannakuutillugu takussutissaqanngitsoq. Apeqqutaassaarli 2020-mut aningaasanut inatsisissaq inatsisartunit aalajangiiffigineqarnissaa. Aningaasanut inatsimmi ESU-mut tunngatillugu annertuumik allannguutaasumik aalajangiisoqanngippat 2020-ip aallartinneraniit ESU-mit tapersiissutaasartut ingerlaqqinnissaat naatsorsutigineqarsinnaassaaq. Taamaattoq aningaasaliissutaasartut killeqarnerat pissutigalugu ukiup ilaanni umiatsiaararsortoq atortuminik ajutuussappat ESU-mit aamma aningaaserivimmiit aningaasalerneqarsinnaanissaa qulakkeerneqarsinnaanngitsoq Allaffeqarfiup nalilerpaa.

Suliffeqarfiit aalisakkanik tunitsiviit killilimmik periarfissiisarput umiatsiaararsortut, tunioraasutik, ajornartoorneranni taarsersugassaannik tunioraanissaannillu piumasagaatitalimmik ikiuussinnaanissamut. Piumasagaatit tunitsiviit saqqummiussaat erseqqippat ikiorsiissagunik qanoq piumasagaateqarnerlutik. Royal Greenland-ip nassuiaataani ilanngullugu oqaatigineqarpoq malugereersimallugu aningaaseriviup pineqartup taarsigassarsitsisarnera ajornarnerulersimasoq, namminerminnut saaffiginnittut amerlanerulereersimammata.

Kommunimi Ilaqutariinnermut immikkoortotaqarfiup nassuiaanera tunngavigalugu Allaffeqarfiup nalilerpaa Pisortaniit ikiorsiisarnermut inatsisit tunngavigalugit umiatsiaararsortoq Kommunimiit ikiorneqarsinnaanngitsoq atortuminik ajutoorsimasumik taarsiiniarpat, soorlu motorimik pisiniarpat, Kommunimit ikiorserneqarsinnaanngilaq. Taamaallaalli nerisassatigut aammalu aningaasartuutit aalajangersimasut, tassanilu pineqartarput A/S INI-mut, Nukissiorfimmu, meeqqerivinnut eqqaaveqarnermullu tunngasutigut ikiorneqarsinnaammat.

Allaffeqarfiup nalilerpaa Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq tunngavigalugu umiatsiaararsortut motooriarpata Kommuni inatsit taanna tunngavigalugu aningaasaliisinnaanngitsoq, tapiissuteqarsinnaanngitsoq aamma imaluunniit aningaaserivimmut qularnaveeqqusiisinnaanngitsoq. Inatsimmi tassani kommunit suliffeqarfinnut qanoq aamma suliffeqarfinnut qanoq ittunut aningaasaliisinaanerat, tapiissuteqarsinnaanerit qularnaveeqqusiisinaanerallu erseqqissumik sinaakkuserneqarluni aaqqiivigineqarnikummat.

Tamakku tunngavigalugit Allaffeqarfiup nalilerpaa Namminersorlutik Oqartussat aamma suliffeqarfiit aalisakkanik tunitsiviusut periarfissiisut umiatsiaararsortut ajornartoorneranni tapersiinnissaminnut. Imaanngitsorli umiatsiaararsortut tamarmik periarfissineqartut ikiorneqarnissamut. Tunitsiviit malitassaqarput killilimmik iliuuseqarnissaminnut aamma Namminersorlutik Oqartussat killilimmik aningaasaliisarput ukiullu ilaa aningaasaliissutit nunguttarlutik.

Allaffeqarfiup nalilerpa aningaaserivik pineqartoq umiatsiaararsortut ilaannut suli taarsigassarsisitsinnaassasoq akiliisinnaassutsimik nalilersuereernermigut. Allaffeqarfiup nalilerpaa aningaaseriviup sukanganerumik piumasaqaateqalerneru umiatsiaararsortut ilaannut qularnangitsumik eqquissasoq.

Allaffeqarfiup nalilerpaa inatsisit atuuttut tunngavigalugit Kommunit nammineerlutik iliuserisinnaasaat killeqaqisoq taamaallaallu Ilaqutariinnermut immikkoortortaqaqarfiup ilaqutariinnut ikiorsiissutigisinnaasai nerisassatigut, ineqarnermut, Nukissiorfimmu akiligassatigut assigisaannullu kommunimit ikiorsiissutaasinnaasut.

Kommunimit kissaatigineqassappat Kommunip iliuserisinnaasaat annertunerusariaqartut tamanna inatsisiliortunut saaffiginnissutaasariaqassasoq Allaffeqarfiup nalilerpaa.

### **Innersuussut**

Innersuussutigineqarpoq nassuiaat tusaatissatut tiguneqassasoq.

### **Aalajangiineq**

Innersuussutigineqartoq tusaatissatut tiguneqarpoq

### **Ilanngussat**

1. Emilie Olsen-ip oqaluuserisassanngortitaa 24.10.2019-meersoq
2. Grønlandsbanken-ip nalunaarutaa 21. 10.2019-meersoq
3. Grønlandsbanken-ip nalunaarutaa 24.10.2019-meersoq
4. Inuussutissarsiutigalugu aalisartut, inuussutissarsiutigalugu piniartut inuussutissarsiutigalugulu nunalerinermik ingerlataqartut aallarteqqinnissamut tapiiffigineqartarnerat pillugu inatsisartut inatsisaat nr. 3, 21.maj 2004-meersoq
5. Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu Inatsisartut inatsisissaattut nr. 13, 3. december 2012-imeersoq
6. Maniitsoq Fish ApS-ip nassuiaata 14.11.2019-meersoq
7. Royal Greenland A/S-ip nassuiaataa 14.11.2019-meersoq
8. Qeqqata Kommuniani ilaqutariinnut immikkoortortap nassuiaataa 13.11.2019-meersoq
9. Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminnut periarfissaat pillugit Inatsisartut inatsisissaat nr. 23, 18. december 2003-meersoq.

**Imm 06 Neqerooruteqartarnermut inatsimmut allannguutissatut siunnersuut pillugu tusarniaanermut akissuteqaammik ilisimatitsissut**

*Journalnr. 18.05.00*

Tunuliaqutaq

Neqerooruteqartitsisarneq pillugu Inatsisartut inatsisaat nr. 11, 2 december 2009-meersumut allannguutissatut siunnersuut piffimmi decembarip 2020-imi 17-ianit januaarip 21-anut tamanut tusarniutigineqartoq Qeqqata Kommuniata tiguaa. Tusarniaassummi Kalaallit Nuaannut neqeroortitsisarnermut inatsimmut nalinginnasumik allannguut pineqarpoq.

Neqerooruteqartitsisarnermut inatsisip ukiut qulit qaangiuttut atuutilerneraniit misilittakkat pitsaasuupput, sanaartormili neqerooruteqartarneq ineriartorsimavoq, taamaattumillu inatsimmi allannguinnissaq kissaatigineqarluni.

Politikkikkut aalajangiiffiginissaanut piffissaliunneqartoq angumerineqarsinnaanngimmat, tusarniaassummut akissut allaffissornikkut ingerlanneqarpoq.

Maleruagassatigut tunngavigisaaq

- Sanaartormi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq (Neqerooruteqartitsisarnermut inatsit)

Pissutsit atuuttut

Ineriartortoqarnerani sumiiffinni arlalissuarni unammilleqatigiinneq annertuumik allannguuteqarsimavoq, pingaartumik sanaartormerup iluani mesterit sanaartormerup suliffeqarfiit ikilingaatsiarnerisa kingunerisaanik. Neqerooruteqartarnermut inatsimmi tamanut ammasumik neqerooruteqartitsisarnissamut piumasaqaat {annertunerpaamik unammilleqatigiittoqarnissaa anguniarlugu) pisuni amerlasuuni pissusiviusunut naapertuutinnitsutut misiginartarpoq. Allaffissornikkut artorsarnerinnarmik kinguneqartanngilaq, aammali neqerooruteqartitsinerit ingerlanneqarnerisa saniatigut neqerooruteqartitsineq aningaasartuuteqarfiusarpoq.

1. Neqerooruteqartarnermut inatsimmi ataasiakkaanik allannguisoqarnissaa, taamaalillunilu unammilleqatigiinneq aamma neqeroortitsineri neqeroorutiniq piniarnerup eqaannerusumik ingerlanissaa eqqarsaatigalugit pitsaannerusumik oqimaqatiissitsisoqarnissaa siunnersuutigineqarpoq.
2. Tamatuma saniatigut aqqissuussinermik, neqerooruteqartitsisup neqerooruteqartitsinissaq pillugu sumoortumik nalunaarummik tamanut ammasumik saqqummiussiviginissaannik atuutsitsisoqalernissaa siunnersuutigineqarpoq.
3. Kommunip ingerlatseqatigiiffiisa inatsimmut ilaanerat, kisiannili sanatitsisut namminersortut, inissianik aningaasalersuisarneq pillugu inatsit naapertorlugu taarsigassarsititsinissamik neqeroorummik pigisaqartut ilaannginnerat inatsisip oqaasertaanut allanneqassasoq siunnersuutigineqarpoq.
4. Kiisalu neqerooruteqartitsisarnermut inatsit naapertorlugu aalajangiinerit pillugit maalaaruteqartarnermut aalajangersakkat kingunerisassaasa iluarsineqarnissaat siunnersuutigineqarpoq, Pisortani Pisinnaatitaanermut Neqerooruteqartitsisarnermut Maalaaruteqartarfik pillugu Inatsisartut inatsisaanni neqerooruteqartarnermut inatsimmik



**Teknikkeqarnermut ataatsimiititaliap februar-ip 05-ani 2020 ileqquusumik ataatsimiinnera 01/2020  
imaqarniliaq**

unioqqutitsinerit pillugit maalaarutininik suliaqarnissamut piginnatitaaffik malaaruteqartarfimmuut tassunga inissinneqarmat.

Qulaani kisitsisini suliassat ataani taaneqartunut piumasaqaatinut allannguutit pineqarput:

SULIASSAT	SIOQQULLUGU	KINGORNA
<b>SULIASSAT</b>	300.000 kr.-init	500.000 kr.-init
<b>AKILIGASSANNGORTITASSAT</b>	annikinnerusut	annikinnerusut
<b>SULIAQARTINNIAKKAT</b>	500.000 kr.-init	1.500.000 kr.-init
<b>ILISIMATEREERLUGIT</b>	annikinnerusut	annikinnerusut
<b>NEQEROORUTEQARTITSINEQ</b>		
<b>TAMANUT</b>	500.000 kr.-nit sinnerlugit	1.500.000 kr.-
<b>SULIARIUMANNITTUSSARSIUSSINEQ</b>		sinnerlugit

Tamanna suliassanut akiligassanngortitassanut annertusaasinnaanissamik kinguneqassaaq, minnerunngitsumik suliassanut anginerulaanut suliaqartinniakkat ilisimatereerlugit neqeroorutininik aallersinnaalerneq. Pisortatigoortumik suliariumannittussarsiuussineq taamaalilluni aatsaat 1.5000.000 kr.-nit sinnerpagit pisinnaalissalluni.

Atuilluartaunissakkut kingunerisinnaasai

Neqerooruteqartitsisarnermut inatsimmik nutarterinermi, 1,5 mio. ataallugit suliamut suliariumannittussarsiuussineq piuminarnerulersitsissaaq, sanaartortitsisunullu aningaasartuutikinnerulernermik, sanaartortitsisunullu, taassuma ataani Qeqqata Kommunianut oqinnerulersitsillunilu aningaasartuutikinnerulersitsissaaq.

Aningaasaqarnikkut allaffissornikkullu kingunerisinaasai

Sanaartugassanut pioreersunut aammalu Qeqqata Kommuniani missingersuutininut attuumassuteqartunut toqqaannartumik kingunissaqaangilaq,

Siunissamut pilersarusiornermi suliassanut annikinnerusunut aamma sakkussanut aningaasanullu atugassanut pitsanngorsaataassaaq, minnerunngitsumik sukkanerusumik suliassamik aallartitsisoqarsinnaalissalluni.

Allaffeqarfiup naliliinera

Nalilerneqarpoq, neqerooruteqartitsinerimut inatsisip maannamut atuuttup ineriartortinniarneqarneranut suliniut, Qeqqata Kommuniani sanasussanik inniminniiniarnermut tunngatillugu allaffissornikkut suliassatigut iluaqutaassasoq, taamaattumillu taamatut suliniuteqarneq allaffeqarfimmit pitsaasutut isigineqarluni.

Teknikkimut Avatangiisinullu Immikkoortortaqaarfimmi ilaatigut pisariaqaangitsumik piffissarujussuaq atorlugu suliassanut annikitsunut atorussiornermut atorneqartarpoq. Sanaartornermut suliassaqaarfimmi suliffeqarfiit aamma akit allanngornikuupput, taamaattumillu suliassanut annertuunut pitsanngorsaataasussamik ineriartorneq, suliassatut pingaarutilittut nalilerneqarpoq.

**Innersuussut**

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

Neqerooruteqartitsisarnermut inatsisip nutarterneqarnissaa pillugu paasissutissiissut tusaatissatut  
tinguneqassasoq

### **Aalajanginneq**

Paasissutissat tusaatissatut tinguneqarput.

### **Ilanngussat**

1. Tusarniaanermi akissuteqaat sanaartornermi neqerooruteqartitsisarneq pillugu Inatsisartut  
inatsisaat nr. 11, 2. december 2009-meersumut allannguutissatut siunnersuut pillugu.
2. Siunnersuummut oqaaseqaatit
3. Neqerooruteqartitsisarnermut inatsimmut allannguutissatut siunnersuut
4. Neqerooruteqartitsisarnerit pioreersut

**Imm. 07 Meeqquerivik 4-mut suliariumannittussarsiuussinerup inernera – Nuutsineq –  
siulittaasup tulliaata aalajangiinera aammalu Aningaasaqarnermut ataatsimiititaliamit  
aalajangiineq pillugu paasissutissiissut**

*Journalnr. 17.05/ atuiffik 75-75-10 Akiani Meeqquerivik 4.*

Tunuliaqutaq

Innersuussinermi immikkoortumi uani atuiffiit nutaanngitsut Winformatik-system-imiittut atorneqarput, ERP-mi aningaasaqarnermut-system-imi normut nutaat suli ilisarineqarsinnaanngimmata.

Akuleriisitsilluni meeqqerivimmuut sisamanik initalimmuut Akiani meeqqerivik 4-mik sanaartornissamut missingersuutini 2017-19-imi 21 mil. koruuninik kommunalbestyrelsi ilanngussinikuuvoq. Ilinniartitaanermut, Peqqinnermut, Sunngiffimmi sammisanut Kultureqarnermullu ataatsimiititaliaq 2019-imi apriliip aallaqqaataani ataatsimmiinnermini meeqqerivik nutaassaq eqqartorjaa.

Sanaartortitsisup siunnersuutaa 2017-im oktobarip 25-ani suliarineqarpoq aammalu 2017-imi novembarip pingajuani IPSKA ataatsimiinnerani akuersissutigineqarluni. 2017-imi decembarip 22-ani siunnersortinik neqeroortitsinermi Masanti siunnersortinngorpoq, 2019-imilu februarimi neqeroortitsinermi suliniummik suliaqarput. 2019-imi aprilip sisamaani siullermeerluni suliariumannittussarsiuussisoqarpoq, ajoraluartumilli nunalerinermi+betongilerinermi sanasullu suliassaanni neqeroorummik pissarsisoqanngitsoorpoq, taamaalilluni suliariumannittussarsiuussineq unitsiinnarneqarluni.

Neqeroortitsinermi suliniummi suut ajornartorsiutaanersut pillugu GE ataatsimeeqatigineqareernerata kingorna malitsigisaanillu suliffeqarfimmit siunnersortaasumit allamit suliniut misissoqqissaarneqarnerata kingorna, suliniut Masantimit nutarterneqarpoq neqeroortitseqqittoqarlunilu.

Suliniut nutartigaasoq malillugu 2019-imi decembarip aappaani suliariumannittussarsiuussisoqarpoq, suliassanilu aggulukkani tamani aammalu suliassani tamani pingasunik neqeroortinik tigusaqartoqarpoq. Entreprenørinik akikinnerpaamik neqeroorteqartumik sipaarutissanik isumaqatiginninniartoqarnikuuvoq, meeqqerivimmillu sanaartornissamut missiliummik A-mik suliaqartoqarnikuuvoq, takuuk ilanngussaq 1.

Maleruagassatigut tunngavigisaaq

Meeqqerivinnik sanaartortitsineq kommunip 100%-imik suliassaraa, nunaqarfinni siusinnerusukkut Namminersorlutik Oqartussanit 50 procentimik tapiissuteqartarnek ataatsimoortumik aningaasaliissutinut allanngortinneqarnikummat.

Sanaartornermi neqeroorteqartitsisarnek pillugu Inatsisartut inatsisaat nr. 11, 2. december 2009-meersoq.

Pissutsit atuuttut

Suliniut akuleriisitsilluni meeqqerivimmik nutaamik sisamanik initalimmik aallaavittut meeraaqqerivimmi meeqqanut 2x12-inut + meeqqerivimmi meeqqanut 2x20-nut ilusiligaavoq. Init nangiinik taarsiisarfeqarlutik qasuersaarfeqarlutillu assigiipput, taamaalilluni ukioqatigiiaani ataasiakkaani meeqqat amerlassusaat apeqqaalluni ukioqatigiiaat akornanni allanngorartumik atuisoqarsinnaalluni. Init tamarmik inimut ataatsimoorussamut kiisalu toqqaannartumik aneerasaartarfimmut pinnguartaarfimmullu aniffissaqarput.



Taakku saniatigut atisaasiveqarpoq, sulisunut atugassaqluni, igaffissuaqluni, innarluutilinnut perusersartarfeqluni, atisanut errorsisarfeqluni, kissarsuuteqarfeqluni kiisalu aneerussivinnut inissiisarfik ilaannakortumik kiassagaalluni aammalu qilaami silaannarissarfeqluni.

Illup 695 m<sup>2</sup>-a tamakkiisumik kiassagaavoq kiisalu aneerussiviisivik silaannarissaateqarfillu ilaannakortumik kiassagaasoq 92m<sup>2</sup>-uvoq illulu ilanngaatitaqanngitsumik katillugit 78m<sup>2</sup>-mik angissuseqarpoq. Kommuni pilersaarusiorfigineqarnerani tapiliussa 25 naapertorlugu Akiani bussit kaajallattarfiata kangiitunginnguani sivinganermi sanaartorfiusumi illu inissisimavoq. Silataani atugassarititaasut tassaapput biilnut inissiisarfik, eqqaani pinnguartarfik pinnguarnermut atortulik kiisalu illup kangiutungaani qooqqumi nunaminertaq angisooq pinngortitaalluni, pinnguarfigineqarsinnaasoq. Meeqquerivimmup pequtit meeqqerivimmit ullutsinnut naleqqukkunnaartumit qimanneqartumit atoqqinneqassapput, aammalu meeqqerivimmut nutaamut meeqqat sulisullu nuussapput.

Entreprenørimum akikinnerpaamik neqerooruteqartumit isumaqatiginninniarnep kingorna pequtinut aamma nakkutilliinermut aningaasartuutitaqanngitsunngorlugu missiliuut A 23,6 mio. koruuninut appartinneqarpoq, kommuni nammineq nakkutilliillunilu sanaartornermik aqutsisuussamat. Sipaarutaasut tassaapput isertarfiup eqqaani illup qaliata qalliutaanik annikilliliineq, sanaartornerup qaammatinik marlunnik sivitsorneqarnera taamaalilluni ukiuunerani suliniutit annikillisinneqarlutik. Tamanna pequtit ilanngunnagit ilanngaatitaqanngitsumut m<sup>2</sup>-mut 29.984 koruuninik sanaartornermut akitut annertussuseqarpoq. Kangerlussuarmi illumut tamatigoortumut suliariumannittussarsiuussinermi kingullermi sanaartornermut akigititaq m<sup>2</sup>-mut 35.981 koruuniunikummat paasissutissiissutigineqassaaq.

Sanaartugassatut suliassat pingasut atuiffimmit allamit taarserneqarput, naammassineqarlutik paasineqaratilluunniit, taamaalillunilu atuiffinnut tullinnguuttunut ukioq manna aningaasanik sinneruttunik pisariaqartitsisoqassanngilaq:

Atuiffik 72-05-10 Pinnguartarfiit.

Atuiffimmi tassani aningaasat annikitsut ukiuni arlalinni nuutsinneqartarnikuupput. Aammattaq atuiffik 75-06 Silami meeqqanut inuusuttunullu sammisassanut ukiumut 2 mio. koruuninik aningaasaliissutinik pilersitsisoqarnikuuvoq, siunissamilu aningaasaliissutinit taakkunanga pinnguartarfiit aningaasalersorneqarsinnaapput, taamaattumik atuiffimmi 72-05-10-mi aningaasat annikitsut meeqqerivittulli meeqqanut siunertanut allanut nuutsinneqarsinnaapput. Pinnguartarfinnik annertusaaneq pitsanngorsaanerlu ingerlaannarsinnaassaaq, siunissami atuiffinnut aningaasaliissutit atinnarlugit.

Taakku saniatigut meeqqeriviliortiternermut atatillugu pinnguarnermut atortunik pilimmik qanittumi pinnguarterfimmi pilersitsisoqasaaq, aammalu ammanerup avataani immikkoortumi meeqqanit minnerusunit atorneqarsinnaassaaq.

Atuffik 77-19-10 Umiarsualivimmi aqqusineramik allannortitsineq Quersuup eqqaani Muunup Aqputaanik aqqusineramik allannortitsineq asfalterlugu, aqqusinermi sinaakkutinik pilerlugu, aqqusinermi qullersuit bussinullu unittarfik allannortillugit naammassineqarnikuuvoq. Aningaasanik sinneruttunik pisariaqartitsisoqanngilaq, taamaattumillu siunertanut allanut nuutsinneqarsinnaallutik.

Atuiffik 77-98-10 Akiani najugaqarfissiamik A30-mik sanaartorfissagissaaneq. Ilaatigut Akiani najugaqarfissiamut A30-mut kommunip pilersaarusiorneqarnerani tapiliussamik 25-mik 2018-imi marts-imi kommuni suliaqarnikuuvoq. Kommunip pilersaarusiorfigineqarnerani tapiliussap taassuma C18 immikkoortuata ilaani kangiatungaani meeqqerivik 4 sanaartorneqartussaavoq. Najugaqarfissamik sanaartorfissagissaanissamut siunnersuummik atugassamik suliaqartoqarnikuuvoq, Aningaasaqarnermut ataatsimiititaliali inissiat inissisimanerannut ataatsimut akisuallaartutut isigineqarpoq, 2019-imi maajip 21-ani ataatsimiinnermi sanaartorfissamik nutaanik suliaqartoqassasoq aalajangiunneqarluni. Pilersaarusiornissamut tunngavissamik nutaamik maannamut suli takkuttoqanngilaq, taamaattumik ukioq manna atugassatut siunnersuummik nutartikkamik suliaqartoqarnissaa angumerineqarsinnaanngilaq, taamaalilluni aningaasat sinneruttut ukioq manna atorneqartussaanaatik, nuutsinneqartariaqassallutilli. Aningaasat amerlavallaat nuutsinneqarnissaat pinngitsoorniarlugu aningaasat sinneruttut ilaat meeqqerivimmik sanaartornermut nuutsinneqarsinnaapput. Pilersaarusiornissamut tunngavissamik nutaamik suliaqartoqareerpat tamatumalu kingorna missiliuut C-talimmik sanaartorfissaanermut siunnersuummik atugassamik suliaqartoqarsinnaavoq, A30-mik sanaartorfissaanissaq qanorpiaq akeqassanersoq paasineqarsinnaavoq, tamaalillunilu sanaartorfissaanissamik ingerlatsinissamut atuiffik 77-50 sanaartorfissaanermit aningaasat qanoq amerlatigisut nuutsinneqarsinnaanersut paasineqarluni.

Atuiffinni pingasuni qulaani taaneqartuni aningaasat piviusumik ukioq manna atorneqarsinnaanaviannngimmata, Akiani meeqqerivimmik 4-mik sanaartornermut nuutsinneqarnissaat innersuussutigineqarpoq.

#### Atuilluartuunissakkut kingunerisinaasai

Meeqqat angerlarsimaffimminnut qanittumi meeqqeriviliarsinnaaniassammata, Akiani meeqqerivik nutaaq oqorsarluagaq atuilluartuuneruvoq. Kangerluarsunnguup avannaatungaani meeqqerivimmik suliffissanillu pilersitsinikkut, assartuussisarneq annikillisinneqarsinnaavoq. Meeqqerivimmit ajornerusumit oqorsagaasumit nutaannginnerusumiit meeqqerivik nutaaq silaannarissarfimmit atueqqittumik nukissamik atueq aammattaq atuilluartuuneruvoq.

#### Aningaasaqarnikkut allaffissornikkullu kingunerisinaasai

Suliassaq nuna tamakkerlugu suliariumannittussarsiuunneqarnikuuvoq, Sisimiunili entreprenørinit neqeroorutit taamaallaat tiguisoqarnikuuvoq. Aappassaaneerluni suliariumannittussarsiuussinermit neqeroorutit amerlasoorujussuunikuupput, tamakkiisumik suliassanut neqeroorutit pingasut ilangullugit, suliassat ataasiakkaaraangata neqeroorutit sisamaniit arfineq-marluk tikillugit. Neqeroorut akikinnerpaaq tasaanikuuvoq tamakkiisumik suliassanut neqeroorut, tulliatut akikinnerpaaq tasaanikuuvoq suliassanik ataasiakkaanik ataatsimoortitsineq taamaallaat 616.723 koruuninik akisunerusoq, nikingassutaat procentinngorlugu 2,9 procenti.

**Teknikkeqarnermut ataatsimiititaliap februar-ip 05-ani 2020 ileqquusumik ataatsimiinnera 01/2020  
imaqarniliaq**

Aningaasaliissutit aningaasartuutissatullu nalilernerat kiisalu ukioq 2019-imut immikkut aningaasaliisutissatut pisariaqartinneqartut ataani allanneqarput:

Aningaasat 1000 kr.-mngorlugit

Atuiffiup normua	Ukioq missing.	Atuiffiup taaguutaa	Aningaasali issutit, aningaasat sinneruttut	Ilassutit	Nutaamik aningaasaliineq
75-75-10	2017-2019	Meeqquerivik 4 Akia	21.000	0	21.000
75-75-10	2019	Meeqquerivik 4 Akia	0	2.600	2.600
72-05-10	2019	Pinnguarterfiit	163	-163	0
77-19-10	2019	Sissami aqquuserngup allannngortinnera	819	-817	2
77-98-10	2019	Akiani najugaqarfiss.sanaartorfiss.	3.893	-1.620	2.273
	<b>Katillugit</b>		<b>25.875</b>	<b>0</b>	<b>25.875</b>

Qaammatinik marlunnik sanaartornerup sivitsorlugu sipaaruteqarnissamut isumaqatiginninniartoqarneratigut, 2022-mi januaarimi meeqqerivik naammassinneqassasoq naatsorsuutigineqarpoq. Taamaalilluni 2022-mi februaarimiit sulisut meeqqallu meeqqerivimmuut nuussinnaalissapput atuilerlutillu.

Allaffeqarfiup naliliinera

Allanik sipaarniarnissamut sanaartukkamut pitsaassutsimut akornutaanngitsumik periarfissaqanngitsoq nalilerneqarpoq. Ininik marlunnik ikilisitseqqinnikkut 3 mio. koruunitut annertutigisut sipaarutigineqaaqqissinnaagaluarput, taamaalilluni meeqqerivik meeqqanut amerlanerpaamik taamaallaat 40-nut inissaqalerluni, taamaaliornikkut meeqqerivinnik nutaanngitsunik pioreersunik meeqqerivik taarsiinnaanani, aammalu meeqqamut ataatsimut ingerlatsinermi aningaasartuutit qaffasinnerungaatsiassallutik. Suliariumannittussarsiuussinermi unammillerluartoqarnikuuvoq, akikinnerpaamillu neqerooruteqartoq piviusorsortutut isigineqarpoq.

Maani nunanilu allani sanaartornermut tunngatillugu ulikkaartooqqaffimmiippugut, tassa entreprenørít tamarmik sulisussanik pissarsiniarnikkut ajornartorsiuteqarmata, aammalu suliffeqarfiit atortussanik tikisitsisartut atortussat tunniussiniarneri sivisullutik atortussanullu akit amerlasuut annertoorujussuarmik qaffannikuullutik. Tamanna sanaartornermi m2-imut akit ukialuit matuma siorna neqeroorutaasuniit qaffasinnerulernerannik kinguneqarpoq. Pingajussaanik suliariumannittussarsiuussisoqaaqqikkaluarpat akimik appasinnerusumik pissarsisoqarsinnaasorineqanngilaq, akerlianilli akisunerunissaa ernummatigineqarsinnaalluni, entreprenørít akikinnerpaamik neqeroornikut tamatuma nalaani allanik suliasaqalissagaluarpata.

Atuiffinni pingasuusuni aningaasat nuutsinneqartussatut innersuussutigineqartut, ukioq manna aamma atorneqarnaviangillat.

Allaffeqarfiup innersuussutaa

Teknikkeqarnermut ataatsimiititaliap siulittaasuanut, tamatumalu kingorna Aningaasaqarnermut ataatsimiititaliamut akuereqqullugu malitsigisaanillu Teknikkeqarnermut ataatsimiititaliamut paasissutissiissutit innersuussutigineqarpoq:

-Eqitsimmi sanianiittumi allassimasutut ukioq missingersuuteqarfimmi 2019-imi 2,6 mio. koruuninik nuutsisoqassasoq

-2019-imi decembarip aappaani suliariumannittussarsiuussinerup inenera naapertorlugu entreprenørinik akikinnerpaamik neqerooruteqartumik Sisimiuni Teknikkimut Avatangiisinullu immikkoortortaq isumaqatiginninniarsinnaaneranik pisinnaatinneqassasoq malitsigisaanillu sipaarutaasussat qulaani taaneqartunik isumaqatiginniniassasoq

Siulittaasup tulliaa aalajangiinera aammalu aningaasaqarnermut ataatsimiititaliami aalajangiineq  
Teknikkeqarnermut ataatsimiititaliap siulittaasuata 2019-imi decembarip qulingani ataatsimiititaliaq sinnerlugu innersuussut akuersissutigivaa. Takuuk aningaasaqarnermut ataatsimiititaliap ataatsimiinnerani imaqarniliami imm. 2 2019-imi decembarip 17-ani Aningaasaqarnermut ataatsimiititaliap innersuussut akuersissutigivaa.

### **Innersuussut**

Teknikkeqarnermut ataatsimiititaliap Aningaasaqarnermut ataatsimiititaliamut innersuussutigivaa akuereqqullugu,

-Eqitsimmi sanianiittumi allassimasutut ukioq missingersuuteqarfimmi 2019-imi 2,6 mio. koruuninik nuutsisoqassasoq

-2019-imi decembarip aappaani suliariumannittussarsiuussinerup inenera naapertorlugu entreprenørinik akikinnerpaamik neqerooruteqartumik Sisimiuni Teknikkimut Avatangiisinullu immikkoortortaq isumaqatiginninniarsinnaaneranik pisinnaatinneqassasoq malitsigisaanillu sipaarutaarutaasussat qulaani taaneqartunik isumaqatiginniniassasoq

### **Aalajangiineq**

Inassutigineqartoq akuersissutigineqarput.

### **Ilanngussat:**

1. Akiani Meeqqerivik 4 sipaarutissat ilanngullugit missiliuut A 2019-imi decembarip pingajuaneersoq.
2. Akiani meeqqeriviup inisisimanera
3. meeqqerivik 4 titartarneqarnera
4. Meeqqerivik 4, illup isui.
5. Meeqqerivik 4, illup saqqai



**Imm. 08 2020-imi qilalukkanik qaqortanillu pisassiissutit kommunimi agguaanissaat**

*Journalnr. 72.01.01.01*

Tunuliaqutaq

2020-imi qilalukkanik qaqortanik qernertanillu pisassiissutit pillugit Aalisarnermut, Piniarnermut Nunalerinermullu Naalakkerisoqarfiup tusagassiorfinnut nalunaarutaa 03.01.2020-meersoq.

Nalunaarutigineqarpoq Qeqqata Kommunianut qaqortat 50-it aammalu qernertat 6-it pisassiissutigineqartut.

Maleruagassatigut tunngavissaq

Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.

**§ 9.** Kommunalbestyrelsi nunaqarfinni ataasiakkaani aqutsisut, najukkanilu aalisartut piniartullu peqatigiiffii kiisalu sunngiffimmi piniartartut peqatigiiffii isumasioqatigereerlugit kommunip aamma aqutsiveqarfiit qilalukkanik qaqortanik qernertanillu pisassiissutaannik inuussutissarsiuqatigalugu piniartunut aamma sunngiffimmi piniartartunut agguaassinissaq pillugu piumasaqaatinik aalajangersaassaaq, pisassiissutinik agguaassinissaq sioqqullugu.

*Imm. 2.* Kommunalbestyrelsi inuussutissarsiuqatigalugu piniartunut aamma sunngiffimmi piniartartunut ataatsimut piniarnissamut akuersissummik tunniusseqqusaanngilaq.

*Imm. 3.* Kalaallit Nunaata kitaani aqutsiveqarfimmi qilalukkanut qaqortanut qernertanullu pisassiissutit 10 procentii angullugit sunngiffimmi piniarsinnaatitaasunut tunniunneqarsinnaapput.

Pissutsit atuuttut

Ukioq 2016-mi siullermeerluni Qeqqata Kommuniata iluani aqutsiveqarfiit marluusut

Naalakkersuisoqarfimmiit immikkoortinnagit ataatsimut pisassiisoqartalerpoq. Taamaalilluni 2016-mi qernertat 6-it qaqortallu 50-it kommunip iluani agguanneqarlutik.

2020-imi Qeqqata Kommunianut pisassiissutit kingumut taamatut amerlatigipput, qernertat 6-it qaqortallu 50-t. Kommunip iluani aqutsiveqarfinnut agguaassinermi qaqortanut tunngatillugu atorneqarpoq procent-inngorlugu 60/40-mik agguaassisarneq. Sisimiut aqutsiveqarfianut pisassiissutit 60 procent-ii Maniitsullu aqutsiveqarfianut 40 procent-ii pisassiissutigineqarlutik.

Qernertanut tunngatillugu pisassiissutit aqutsiveqarfinnut marluusunut avinneqarlutik 50/50 tunngavigalugu agguanneqartarput.

Takussutissami uani takutinneqarput ukiuni kingullerni 10-ni aqutsiveqarfinnut marluusunut qaqortat pisassiissutaasartut pisarineqarsimasullu kisitsisinngorlugit.

**Sisimiut aqutsiveqarfia:**

Ukioq	2010	2011	2012	2013	2014	2015	2016	2017	2018	2019
Pisassiissutit	26	26	26	30	30	30	30	30	30	30
Pisarineqartut	20	6	2	27	9	6	17	12	15	13

**Maniitsup aqutsiveqarfia:**

:

Ukioq	2010	2011	2012	2013	2014	2015	2016	2017	2018	2019
-------	------	------	------	------	------	------	------	------	------	------



**Teknikkeqarnermut ataatsimiititaliap februar-ip 05-ani 2020 ileqquusumik ataatsimiinnera 01/2020  
imaqarniliaq**

Pisassiissutit	10	10	10	12	12	12	20	20	20	20
Pisarineqartut	5	1	3	14	13	9	12	10	10*	9

Taakkunanga pisaq 1 sunngiffimmi piniarnermut allagartalinneq pisarineqarpoq.

Qeqqata Kommuniani **qernertamik** pisaqartoqarpoq 2012-imi Maniitsup aqutsiviani ataaseq pisarineqarmat 2017-imi kingumut Maniitsup aqutsiviani 2-t pisarineqarmata. 2019-imi Maniitsup aqutsiviani qernertaq 1 pisarineqarpoq.

Sisimiut aqutsiviani 2018-imi aamma 2019-imi qernertat 2-t pisarineqarput.

Qeqqata Kommuniani aalisartut piniartullu peqatigiiffiinnut, nunaqarfimmi aqutsisunut aamma sunngiffimmi piniartullu peqatigiiffiannut Allafeqarfik tusarniaavoq.

Akissuteqaatit ukua tiguneqarput:

**Maniitsumi umiatsiaararsorlutik** aalisartut piniartullu peqatigiiffiata akissuteqaataani 06.01.2020-meersumi imatut allapput:

“Kissaatigaarput Qeqqata kommuneani pisassat qaqortat 50 qernertat 6 Maniitsup aqutsivianut Sisimiut aqutsivianut avinneqassasut. Taamatut isummerpugut neriulluta avinneqassasut. Aappai nunguutsigaluarpata ajornaquteqanngitsumik aappaani pisassiissutit ingerlanneqarsinnaapput. Qassiliutaanngitsumik avikkallarlugit kissaatigaarput. Tunngavilersuutigaarput aamma Maniitsup aqutsiviani nunaqarfimmi piniartartut amerlasoorujussuusarput Sisimiut aqutsivianiik amerlanerusarlutilluunniit piniartut”.

**Kangaamiuni aalisartut piniartullu peqatigiit** oqaaseqaatiminni 06.01.2020-meersumi imatut allapput: “Qilalukkat Qeqqata Kommunianut pisassiissutit Maniitsoq aamma Sisimiut avinneqarnissaat maanngaanniit kissaatigaarput. Taama kissateqarnermut patsisaavoq illoqarfiit nunaqarfittaasalu piniartoqassutsikkut nikingaangimmata”

**Kangaamiuni nunaqarfimmi aqutsisut** akissutaani 06.01.2020-meersumi allapput:

“Kangaamiutni Nunaqarfimmi Aqutsisut siunnersuutigaat Qeqqata Kommuniani pisassat (qaqortat) 50-it Sisimiut 28 –inik pisassinneqassasut. Maniitsoq 22-it. Taakkunanga saniatiguulinnut 3-it Sisimiut. 2 Maniitsoq. Qernertat 3 Sisimiut aamma 3 Maniitsoq”.

**Sisimiuni** angallateerarsortut aalisartut piniartullu peqatigiiffiata, SAAPP, oqaaseqaatiminni 03.01.2020-meersumi imatut allapput:

“Ilaani agguasimanerit isumaqatigaagut taamaattoq siunnersuutigissavarput Marts naggataani agguaaqqittoqarnissaa sinneruttunik, Suli pisarineqanngitsut eqqarsaatigalugit ukiut kingulliit soorlu Maniitsumi pisarineqartartut amerlagisassaaneq ajormata. Taamatut siulersuisut siunnersuuteqarput”..

**Sisimiuni** aalisartut piniartullu peqatigiiffiata(SAPP) akisuteqaatiminni 05.01.2020-meersumi imatut allapput:

“Tusarniummut qilalukkat qaqortat avinnissaat siornatut 40/60%-mik ajorinngilarput taamaattorli qinnertat arfinillit aamma 40/60-mik avinnissaat 2/4-mik kissaatigaarput”..

**Maniitsumi sunngiffimmi** pinaluttartut peqatigiiffiata akissuteqaatiminni 03.01.2020-meersumi imatut allapput:

“Qilalukkanik 2020-imi pisassiinermut atatillugu pinaluttartunut ukiigattatut pisassiisoqarnissaa aammalu iliortoqarnissaa kissaatiginarpoq.

Tassa akuersissutinik inunnut marlukkaanut tunioraanani inuit ataasiakkaarlugit tunioraasoqassasoq, taamatut pitsaanerutinneqarmat”.

-----

Pisassiissutinik kommunimi agguaassinermi qaqortanut tunngatillugu ukiuni kingullerni Qeqqata Kommuniani atornerqarpoq procent-inngorlugu 60/40-mik agguaassisarneq. Sisimiut aqutsiveqarfianut pisassiissutit 60 procent-ii Maniitsullu aqutsiveqarfianut 40 procent-ii pisassiissutigineqartarlutik. Qernertanut tunngatillugu pisassiissutit aqutsiveqarfinnut marluusunut avinneqarlutik 50/50 tunngavigalugu agguaanneqartarput.

#### Allaffeqarfiup naliliinera

##### **Qaqortat:**

Ukiut siuliini aqutsiveqarfinnut marluusunut pisassiissutaasarsimasut, pisarineqarsimasut aamma aqutsiveqarfinni immikkoortuni inuttussuseq tunngavigalugit Allaffeqarfiup nalilerpaa siunnersuutigalugu 2020-imut qaqortanik pisassiissutit 50-it aqutsiveqarfinnut agguaanneqassasut procentinngorlugu 60/40 tunngavigalugu. Taamaallillugu Sisimiut aqutsiveqarfiat qaqortanik 30-nik pisassinneqassasoq Maniitsullu aqutsiveqarfia 20-nik pisassinneqassasoq. Allaffeqarfiup nalilerpaa agguariaaseq taanna amerlanernit maannamut iluarisimaarneqartoq.

Sunngiffimmi piniarnermut allagartallit 10 pct. angullugu pisassinneqarsinnaanerat tunngavigalugu Allaffeqarfiup nalilerpaa siunnersuutigalugu qaqortanik pisassiissutinit 10 pct.-imik pisassiisinneqarsinnaasut. Tamanna tunngavigalugu Sisimiut aqutsiveqarfiani sunngiffimmi piniarnermik allagartallit qaqortamik 3-nik pisassinneqarsinnaasut taamatullu aamma Maniitsup aqutsiveqarfiani sunngiffimmi piniarnermik allagartallit qaqortanik 2-nik pisassinneqarsinnaasut..

##### **Qernertat:**

Qernertanik pisassiissutit ukiuni kingullerni arlalinni nungunneqarneq ajorput. Tamanna pillugu Allaffeqarfiup nalilerpaa 50/50 tunngavigalugu pisassiissutit aqutsiveqarfinnut marluusunut avinneqarsinnaasut. Taamaallillugu aqutsiveqarfiit marluusut tamarmik 3-nik pisassinneqarsinnaallutik.

#### **Innersuussut**

Allaffeqarfiup Teknikkeqarnermut Ataatsimiititaliap siulitaasuata aalajangiinissanut akuereqqullugit innersuussutigai:

#### Qaqortat

Innersuussutigineqarpoq qaqortanik pisassiissutit 50-it aqutsiveqarfinnut marluusunut agguaanneqassasut procentinngorlugu 60/40 tunngavigalugu.

Taamaallillugu Sisimiut aqutsiveqarfiat qaqortanik 30-nik pisassinneqassasoq. Taakkunannga inuussutissarsiutigalugu piniarnermut allagartalinnut 27-t pisassiissutigineqassasut taavalu sunngiffimmi piniarnermut allagartalinnut 3-t pisassiissutigineqassasut.

Maniitsup aqutsiveqarfia 20-nik pisassinneqassasoq. Taakkunannga 18-it inuussutissarsiutigalugu piniarnermut allagartalinnut pisassiissutigineqassasut taavalu 2-t sunngiffimmi piniarnermut allagartalinnut pisassiissutigineqassasut.

### Qernertat

Qernertat pisassiissutit 6-t aqutsiveqarfinnut marluusunut avinneqassasut taamaalillugu Sisimiut aqutsiveqarfiani inuutissarsiutigalugu piniarnermut allagartalinnut 3-t Maniitsullu aqutsiveqarfiani inuussutissarsiutigalugu piniarnermut allagartalinnut 3-t pisassiissutigineqassasut

### **Siulittaasup aalajangiinera**

Teknikkeqarnermut Ataatsimiititaliami siulittaasup ataatsimiititaliaq sinnerlugu januar 7-ani 2020 aalajangii voq,

-innersuussutigineqartut akuersissutigalugit

Aalajanggisimaneq Teknikkeqarnermut ataatsimiititaliap tusaatissatut tiguaa.

---

Frederik Olsen

Teknikkeqarnermut ataatsimiititaliami siulittaasoq

7. januar 2020

### **Ilannussat**

1. 2020-imi qaqortanik qernertanillu qilalugartassiissutit pillugit Aalisarnermut Piniarnermut Nunalerinermullu Naalackersuisoqarfiup tusagassiorfinnut nalunaarutaa 03.01.2020-meersoq,
2. Qilalukkat illersugaanerat piniagaanerallu pillugit Namminersorlutik Oqartussat nalunaarutaat nr. 3, 27 januar 2017-imeersoq.
3. Kangaamiuni aalisartut piniartullu peqatigiiffiata oqaaseqaataat 06.01.2020-meersoq
4. Kangaamiuni nunaqarfimmi aqutsisut oqaaseqaataat 06.01.2020-meersoq
5. SAPP oqaaseqaataa 05.01.2020-meersoq,
6. SAAPP-ip oqaaseqaataa 03.01.2020-meersoq.
7. Maniitsumi umiatsiaararsorlutik aalisartut piniartullu peqatigiiffiata oqaaseqaataa 06.01.2020-meersoq
8. Maniitsumi sunngiffimmi pinialuttartut peqatigiiffiata oqaaseqaataa 03.01.2020-meersoq

**Imm. 09 Amerikamiut sakkutooqarfigisimasaanni Bluie West 9-mi salineq pillugu paasissutisiinneq**

*Journalnr. 81.01*

Tunuliaqutaq

Forsvarsministeriets Ejendomsstyrelse, tak. ilanngussaq 1, saaffiginnissummik 2019-imi decembarip qulingiluaani Sisimiuni Teknikkeqarnermut Avatangiisinullu immikkoortortaq tigusaqarnikuuvoq. Saaffiginnissut Amerikamiut sakkutuuisa Kalaallit Nunaanniissimanerisa kingorna salineq pillugu suleqatigiinnissamut tunngassuteqarpoq.

Amerikamiut Kalaallit Nunaanniissimanerisa, tak. ilanngussaq 3, kingorna salineq pillugu miljø- og fødevarministeren aamma Naalakkersuisut siulittaasuata akornanni 2018-imi januarip 18-ani isumaqatigissutaat tunngavigalugu, Qeqqata Kommuniani sumiiffik ilanngullugu, sumiiffinni toqqakkani suliarinnittussatut ingerlatsinissaq pillugu Forsvarsministeriets Ejendomsstyrelse qinnuigineqarnikuuvoq.

Bluie West 9, lys og radiobeacon station/navigationssistance-itut atorineqarnikuusup salinneqarnissaata ataqtigissaarneqarnissaa suliarineqarnissaalu Forsvarsministeriets Ejendomsstyrelse suliarisussaavaa. Tak. ilanngussaq 2, Bluie West 9 Kangerlussuarmut pulammagiami qeqertami Simutaq-mi inissisimavoq.

Saliinissaq sioqqullugu sapinngisamik pitsaanerpaamik pilersaarusiornissamut tunngavissaqarnissaq qulakkeerniarlugu, suleqatigiinnissamut ilisimasanillu avitseqatigiinnissamut Forsvarsministeriets Ejendomsstyrelse Qeqqata Kommunianut ujartuivoq. Qeqqata Kommuniata aamma Forsvarsministeriets Ejendomsstyrelse akornanni oqaloqatigiinneq ilaatigut makkununga tunngassuteqassaaq:

- Sumiiffimmi pissutsit
- Alakkerterinermut malitsigisaanillu tulleriaarinissamut atatillugu kissaataasinnaasut
- Saliinermut il.il. atatillugu oqartussanit akuersissuteqarnissamut pisariaqartitaasinnaasut.

Suleqatigiinnissaq pillugu saaffiginnissut siulleq Teknikkeqarnermut Avatangiisinullu immikkoortortap akuersissutiginiikuuvaa, maannakkullu Bluie West 9-mi saliinissamut ingerlanissaq pillugu Forsvarsministeriets Ejendomsstyrelse qisuariaateqarnissaa utaqqineqarpoq.

Ingerlaqqinneq pillugu Teknikkeqarnermut ataatsimiititaliaq allaffeqarfiup ingerlaavartumik paasissutissiivigisassavaa.

Maleruagassatigut tunngavigisaaq

- ”Sakkutuut Kalaallit Nunaanniissimanerisa kingorna saliinissaq pillugu miljø- og fødevareministeren aamma Naalakkersuisut siulittaasuata akornanni 2018-imi januarip 18-iani isumaqatigiissut”.
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Pinnngortitamik illersuineq pillugu Inatsisartut inatsisaat nr. 29, 18. december 2003-meersoq.

Pissutsit atuuttut

Saliilernissamut atatillugu Bluie West 9-mi pissusiviit misissorluarneqassapput.

#### Atuilluartuunissakkut kingunerisinnaasai

Bluie West 9-mi sakkutuut sammisaqarfiginikuusaata kingorna saliineq eqqaani pinngortitamut avatangiisinullu iluaqutaassaaq aammalu sumiiffimmi najugalinnut takornarissanullu immikkoortumi pinngortitami misigisassanik siursaataassalluni.

#### Aningaasaqarnikkut allaffissornikkullu kingunerisinaasai

Saliineq suliarinnittumit, tassalu Forsvarsministeriets Ejendomsstyrelse, aningaasalersorneqassaaq, maannamullu annertussusissaa akissaalu pillugit paasissutissaqanngilaq.

#### Allaffeqarfiup naliliinera

Qimatanik mingutsitsisinnaasunik saliineq ilanngullugu, avatangiisitigut suliniutit, Qeqqata Kommuniani pinngortitamut avatangiisinullu iluaqutaasut nalilerneqarpoq, taamaattumillu una suliniut pitsaasutut allaffeqarfimmit isigineqarpoq.

#### **Innersuussut**

Teknikkeqarnermut ataatsimiititaliamit akuereqqullugu Teknikkeqarnermut Avatangiisinullu immikkoortortap innersussutigivaa,

Bluie West 9-mi saliinissaq pillugu paasissutissiissut tusaatissatut tiguneqassasoq

#### **Aalajanginneq**

Innersuussut tusaatissatut tiguneqarpoq.

Ilassutit Aningaasaqarnermut ataatsimiititaliamut innersussutigineqarpoq, Borgmesteri aamma Teknikkeqarnermut ataatsimiititaliami siulittaasoq Naalakkersuisunut allagaqaasiussasut, allagaqaammi siunnersutigineqassalluni, Amerikamiut sakkutooqarfigisimasaanni torersaanissamut kiisalu Kangerlussuup eqqaanilu nunaminertani mingutsinneqarsimasuni torersaasoqarnissanut Naalakkersuisut Danmarkimilu naalakkersuisut isummertariaqartut.

#### **Ilanngussat**

1. Forsvarsministeriets Ejendomsstyrelsimit saaffiginnissut 2019-imi decembarip qulingiluaaneersoq.
2. Nunap assinga saliiffissap sumiinneranik nalunaarsornilik Forsvarsministeriets Ejendomsstyrelse, 2019
3. Naleqqiussaq: ”Sakkutuut Kalaallit Nunaanniissimanerisa kingorna saliinissaq pillugut miljø- og fødevareministeren aamma Naalakkersuisut siulittaassuata akornanni 2018-imi januarip 18-iani isumaqatigiissut”.

**Imm. 10 Tamalaat**

**Kilaaseqqap Atuarfia- Maniitsoq**

Bygherreråd giver imut atorfirmut inuttassarsiuussigaluarnert iluatsinngimmata siunniunneqarpoq atorfik Sisimiuni inissisimassasoq, Kangaamiuni atuarfiup kiisalu Maniitsumi Atuarfik Kilaaseeraq suliarineqarnissaasa aallartikkasuarnissaat anguniarlugu.

Inuttassarsiuussigaluarnert iluatsinngimmata siunniunneqarpoq atorfik Sisimiuni inissisimassasoq, Kangaamiuni atuarfiup kiisalu Maniitsumi Atuarfik Kilaaseeraq suliarineqarnissaat pillugu.

**Isumasioqatingiinnissaq Jakob Olsen kissaatingisaa.**

Isumasioqatingiinnissaq Jakob Olsen ukioq kingulleq nassiunnikuusaa, saarullinniarneq, umimmanniartitsisarneq pillungu, piniartut, aalisartut, takornariartitsisartut isumasioqatingiinnissaat. Saqitsaannerit pinnginneri isumasioqatingiinnissaq Sisimiuni pinissaa allaffeqarfik kommunaldirektør Juliane Henningsen, ataatsimiinnissap tulliani saqqummiunneqarnissaa.

**Siverth K. Heilmann allangarinikuusaa, paasissutissiinerusoq.**

Saarullinniarnermut tunngasut ukioq 2019, 2018, Maniitsumi aammalu Sisimiuni aalisakkat pisarineqarneri annikilliarneri Iver Lyerth nassiussimasaai allakkatingut. Aalisarneq piniarneq pillungu isumasioqatingiinnissaq.

Ataatsimiinneq naavoq nal. 10:58